



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

7. De adoratione Pastorum.

[urn:nbn:de:hbz:466:1-60091](#)

De adoratione Pastorum.

VII.

I. Expende, quo pacto Pastores animati allequio & concentu Angelico se inuicem excitarint, ad Messiam natum quærendum & adorandum, sicut Seraphim concutientes inter se alas suas ad sacrum Deo trisagion concinendum; simulque nutum pro imperio accipientes, relicto grege, in Bethlehem proparant, quanto cordis tripudio, quanto tanti prodigijs videndi desiderio! Quanta gratia à Deo ad perfectioris statū fastigium, aut maioris in spiritu seruoris studium vocari suauiter, & trahi efficiaciter! & quanto maior vocantem Deum festinanter cum alacritate sequi, & tantæ gratiæ cooperari? Gratitudo, seruor diuinis inspirationibus statim parendi, gratiæque vocationis cooperandi.

II. Quo stupore repertum diuinum infantem in stabulo, positumque in præsepio, suspicerint, qua reverentia, partim insolito iubare ex eius vultu præmicante excitati; partim interno diuinæ lucis radio collustrati, eum tanquam verum Messiam adorarint; qua demissione B. Matrem eius, diuinum

E. 5 quidi

quid spirantem, salutarint; qua sinceritate illi de tali prole congratulati fuerint: qua exultatione ab Angelo sibi reuelata, auditam cœlestem symphoniam retulerint, & vicissim ab ea admiranda quadam de eodem diuino infantulo audiuerint: qua deinde modestia, affabilitate, benignitate eos B. Mater exceperit, in fide, spe, charitate confirmarit, ad gratias Deo agendas excitarit: quām demūm infantulus ipse eorum obsequium sibi gratum esse blandulo vultu comprobarit, & quām liberaliter mirè illis communicato solatio remunerari.

Brou. 3:

O quām verè cum simplicibus sermonatio eius! Quanta teneritudo amoris eius ergà humiles, simples, candidos, simplici sinceroque corde in diuino sermonio procedentes, non aliud, quām divinam gloriam spectantes, omni humano respectu posthabito, eximiè Deo, non hominibus placere desiderantes! Studium candoris, veræ simplicitatis & innocentiae, & puræ intentionis.

III. Quanta exultatione reuersi pastores Deum laudarint, visa & audita tam mirabilia ruminarint, & inter se contulerint, obuijsque omnibus narrarint: quanta deuotione sèpius deinceps præsepe reuiserint, cum insatiabili diuinissimi

simi pusionis videndi, adorandi, omni-
que obsequio demerendi desiderio.
Perpetua gratitudo pro vocationis be-
neficio, cum incenso id compensandi,
aliosq; ad Christum trahendi desiderio.

In festo Circumcisionis Domini.

De Circumcisione pueruli 8. die factâ.

I.

Luc. 2.

I. BEata Virgo, quantumuis teneri-
mo infantulo circumcidendo cum
incredibili tenerimi amoris & acerri-
mi doloris sensu condoleret, voluit ni-
hilominus ex zelo diuini beneplaciti
complendi eundem, iuxta legem, tan-
quam verum filium Abrahæ circumcidi
ex obedientia, quem ad expiandā Adæ
inobedientiam in terras venisse sciebat.
Zelus perfectè obediendi in re ardua.

II. Permittit se verus filius Dei impec-
cabilis, innocēs, impollutus, segregatus
à peccatoribus tanquam verum homi-
nem genitalis culpæ macula inquina-
tum, octauo die circumcidi, cum inten-
sissimi doloris sensu, tūm ob tenerimā
infantilis corpusculi complexionem,

E. 6

rum.